

Infima autem Macrocosmi regio, ut passionibus & mutationibus variis sit obnoxia, ita quidem in varios corporis gradus distingui animadvertitur eius spiritus aereus, antequam in quolibet etiam gradu affligitur & exagitur tam corpus externum quam spiritus eius internus à spiritibus seu ministris Dei Angelicis, videlicet tam ventosis, quam flamma ventibus: Nam fassus est David, quod Deus faciat angelos suos ventos, & ministros suos ignem ventem: *Psal. 104. 4.* Atque in psalmo præcedente: *Quod angeli Dei validissimi robore efficiant verbum Dei, auscultent voci eius, & quod sint exercitus & ministri Dei facientes placitum eius, &c. Psal. 103. a. 20.* In quo Psalmistæ regii sermone docemur, quod tres sint præcipui angelorum ordines, quorum prior & superior recipiens immediate effluxus Dei solet efficere, hoc est, recipere & emittere verbum Dei; secundus auscultare & animadvertere illud, quasi à summo Imperatore editum, qui & tum postea mandatum illud legioni, suo dominio assignatæ, ad exequendum committit, cuius est immediate facere atque exequi placitum creatoris.

Hoc etiam idem fateri videntur Theologi recentiores. Videlicet quod Angelorum ordines superiores recipiant lucem seu emanationem immediate à Deo, quam postea influendo inferioribus impertiunt atque communicant.

Horum autem Angelorum quibusdam vitur ad iræ suæ atque vindictæ effectus exequendos, quos ideo malignos & cacodæmones respectu nostri vocamus, qui nihilominus necessarii sunt Dei ministri: Sic Deus Sathana est usus pro suo ministro ad tentandū Iob. Sic etiam Angelus ille Iehouæ perdens, quem David sublati oculis vidit stantem inter cælum & terram cum gladio suo stricto in manu, & extenso contra Ierusalem; *1. Chron. 22.* Atque etiam ille, quem misit Iehoua ad excidendum omnem robore valentem in Castris regis Assyriæ, *2. Chron. 32.* talis etiam erat malus ille Iehouæ spiritus, qui obsedit Saul, &c. Quibusdam etiam vitur in sua benignitate, qui spiritus boni dicuntur & benigni, talis erat Angelus qui Eliæ apparens in deserto cibum obtulit, & ille quem Deus misit ante Moysen & Israelitas ad eos seruandos in itinere per desertum, *Exod. 33.* Et Angelus ille qui vendicavit Iacobum ab omni malo, *Gen. 48.* Et angeli qui ei obuiam facti sunt in itinere suo, *Gen. 32.* Denique angeli omnes illi, quos mittit Deus ante iustos, *Genes. 24. 7.* Similiter bonorum angelorum ministerio spiritus Macrocosmi benigniter & pacifice gubernatur, ut & tumultuosorum prædominio perturbatur, atque etiam corpora sublunaria agrotare videntur.

Prima autem incorporatio, quæ fit inter simplicem aerem & corpus perfecte mistum, est aer halituosus seu nebulosus, in quo variæ à spiritibus malis producuntur impressiones præternaturales, videlicet inflammatio à prestere & coruscatione, perturbatio à ventis, & turbinibus, caligo à nebulis & halitibus densis, rubedo vespertina &c. De aeris autem intemperie à prestere sic loquitur pagina sancta, *Ecce ventus turbinis veniebat ab Aquilone, & nubes magna, & ignis inuoluens, & splendor in circuitu eius, & de medio ignis quasi species electri, & ex medio eius similitudo quasi animalium, & spiritus in 4. rotis &c. Ezek. 1.* Quibus innuere vult Propheta, quod anima tam nubis quam prestere illius fuerit spiritus ille, seu potius auriga illius currus, & quo dominus, qui vehebatur in illo fuerit ipse Iehoua, quemadmodum ex toto illo capite colligere possumus: Et Esaias ait, *A Domino Deo exercituum visitabitur in tonitruo & commotione terræ, & voce magna turbinis & tempestatis, & flamma ignis deuorantis, Esa. 29. 6.* Et Ieremias dicit, *Ecce turbo domini. furor egrediens, procella ruens in capite impiorum quiescet, Jerem. 30. 23.* Et psalmista regius, *Impluit super improbos, prunas, ignem, & sulphur, vario prestere coniuncto. Psal. 11. 6.* Et alibi, ut ignis exurit siluam, ut flamma consumit montes, ita prosequere eos procella tua & turbine tuo conturba eos *Psal. 83. 15.* Et de turbine dicit Esaias ipsum ab Africo venire, *Isa. 21. 1.* Et Zacharias, *Dominus Deus in tuba canet, & in turbine & austris vadit, Zach. 9. 14.* Et Iob dicit, *E penetrali prodit turbo, & à dispergentibus frigus, Iob. 37. 9.* hoc est, à spiritibus seu dæmonibus, qui flatibus suis faciunt voluntatem Dei ab Aquilone. Concludimus ergo, quod eius internus sit spiritus Dei procellosus, efficiens verbum & voluntatem Dei, uti Propheta David agnoscit. Vnde & sapiens ait, *spiritus potentie Dei stabit contra impios, & tanquam turbo venti iactabit eos, Sap. 5.*

Porro & nubes sunt vehicula Dei quæ vehuntur atque animantur, atque violento motu videntur in aere ferri & præternaturaliter perturbari ab angelis Dei & præsentia ipsius, in cuius præsentia semper adsunt, & assistunt ministri angelici, hinc dicit Propheta *ascendit super Cherubin, & volauit super pennas ventorum, & posuit tenebras latibulum suum, in circuitu eius, tabernaculum eius tenebrosa aqua, in nubibus aeris, præ fulgore in conspectu eius nubes transierunt, grando & carbonem ignis, Intonuui de cælo Dominus, altissimus edit vocem suam, grandinem & carbonem ignis, & misit sagittas suas, fulgura multiplicauit & conturbauit eos, &c. Psal. 17. 9.* In quo sermone luculenter docet Propheta, quod ministri Domini sint Cherubin & venti, ac si dixisset, angeli auscultantes voci eius, & venti seu spiritus angelici, ministri ignei, efficientes placitum, uti alibi fateretur, Et alibi dicit, *Viderunt te aque & timuerunt, & turbate sunt abyssi, multitudo sonitus aquarum vocem dederunt nubes, etenim sagitta tua transeunt, vox tonitruui tui in rota; illuxerunt coruscationes tue orbi terræ, commota est & contremiscit terra, Psal. 104. 4.* Et alibi, *Aqua à voce tonitruui tui formidabunt, Psal. 16. 17. & Psal. 103.* Denique verbis quidem expressioribus hoc omne aperit David in sequentibus. *Deus amictus lumine sicut vestimento, extendens cælum sicut pellem, qui regis aquis superiora eius, qui ponis nubem ascensum tuum, qui ambulat super pennas ventorum, qui facis angelos tuos spiritus, & ministros*